

Болага меҳрибонлик кўрсатиш унинг ҳаққидир



11:05 / 27.02.2020 2434

Болага меҳрибонлик кўрсатиш ота-онанинг вазифаси ва боланинг ҳаққидир.

Инсон зоти доимо меҳр-муҳаббатга эҳтиёжли бўлади. Айниқса, болалар бу нарсага жуда ҳам муҳтожлар. Аслида, меҳр-муҳаббат дини бўлмиш Ислом, шунинг учун ҳам болаларга меҳр-муҳаббат кўрсатишни ота-оналарга вазифа этиб юклаган.

مَلَسُوهُ لَعَلَّ يَلْعَقُ لَوْلَىٰ رَبِّهِمْ لَكَنَالُوا لَئِن لَّمْ يَكُنِ اللَّهُ فِئْتَنًا لَّكُنَّا فِتْنًا يَلْعَقُونَ لَقَدْ جَاءَكُمْ رَسُولٌ مِّنْ أَنفُسِكُمْ عَزِيزٌ ذُو قُوَّةٍ مِّن قَبْلِ هَٰذَا فَكُفُّوا عَن قُلُوبِكُمْ وَإِنَّكُمْ لَمِنَ الْمُتَكَلِّفِينَ
مَلَسُوهُ لَعَلَّ يَلْعَقُ لَوْلَىٰ رَبِّهِمْ لَكَنَالُوا لَئِن لَّمْ يَكُنِ اللَّهُ فِئْتَنًا لَّكُنَّا فِتْنًا يَلْعَقُونَ لَقَدْ جَاءَكُمْ رَسُولٌ مِّنْ أَنفُسِكُمْ عَزِيزٌ ذُو قُوَّةٍ مِّن قَبْلِ هَٰذَا فَكُفُّوا عَن قُلُوبِكُمْ وَإِنَّكُمْ لَمِنَ الْمُتَكَلِّفِينَ

«Бир аъробий Набий соллаллоҳу алайҳи васалламнинг ҳузурларига келди ва:

«Сизлар болаларни ўпасизларми? Биз уларни ўпмаймиз», – деди.

Шунда Набий соллаллоҳу алайҳи васаллам:

«Аллоҳ қалбингдан раҳматни суғуриб олган бўлса, мен нима ҳам қила олар эдим», – дедилар».

Икки Шайх ривоят қилганлар.

حَسَمَ يَفُحُّ وَيَلْجُلُ جُرْلًا نِإْلَاقِ مَلَسُو هَلْجَلِ لَإِلْصَ لَإِلْجُلِ لُؤَسَرِّ نَأْيِبْغَشْلَإِنَع
يَزُورْمَلَانِي سِحُّ هَآوَرُ. تَأْرَمَإِنَ أَيَّتِ يَفْوَءَدَلْ وَسَأْرَ يَلْعَ وَدَي

Шаъбийдан ривоят қилинади:

«Расулуллоҳ соллаллоҳу алайҳи васаллам:

«Албатта, киши боласининг бошини силаганига ва аёлига яқинлик қилганига ҳам ажр олади», – дедилар».

Ҳусайн Марвазий ривоят қилган.

Мусулмон одам ўз боласига меҳр кўрсатиб, унинг бошини силаб, кўнглини овутиб, тарбия маъносида қилган ҳаракатларига ҳам албатта ажр олади.

Демак, бола тарбияси учун қилинадиган ҳар бир ҳаракат ажрсиз, савобсиз қолмас экан. Боланинг бошини силашда одамнинг ўзи роҳат топади. Лекин шу нарса болага ҳам яхши таъсир қилганидан, Аллоҳ таоло бунинг учун ота-онага ажр-савоб берар экан. Ота-она боласининг бошини силагани учун ҳам ажр олар экан, уни едириб-ичиргани, кийдиргани, ўқитгани, Қуръон ёдлатгани, одоб-ахлоқдан тарбия бериб қийналгани учун оладиган савоблари қанча бўлишини ўзингиз тасаввур қилаверинг.

Демак, ота-онанинг бола учун қиладиган ҳеч бир ҳаракати савобсиз, ажрсиз кетмас, дунёю охиратнинг бахту саодатига сабаб бўлмай қолмас экан.

Қизларга алоҳида ҳурмат ва меҳр билан муносабатда бўлиш ҳақида Расулуллоҳ соллаллоҳу алайҳи васалламнинг кўрсатмалари ҳам бор. Чунки қизлар меҳрга муҳтож, ўзлари ожиза бўлишади. Шу боис улар тарбиясида эътибор, меҳр-мурувват ва эҳтиёткорлик кўпроқ зарур бўлади.

«Бахтиёр оила» китобидан